



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

I. Januarii. Jesus Christus heri, & hodie, & ipse in sæcula.

urn:nbn:de:hbz:466:1-45477

I. JANUARI.

JESUS Christus heri, & hodie, & ipse in
sæcula. *Hebr. 12. 8.*

Incipien-
dum à
Jesu.

I.



ESUS verbum Pa-
tris, verbum inter
omnia verba au-
spicatissimum, ut-
pote nomen in-
creati, & Incarnati
Verbi, sit primum,

quod Anni ineuntis die primo, ex ore meo prodeat
verbum. Tria nobis de JESU proponit strictim ex-
pendenda, Prima hæc Primæ diei Tessera. *Heri, Ho-
die, in Sæcula.* Hoc est, Fuit, Est, Erit. Ut Deus, fuit
Heri, id est, ab æterno; ut Homo, est *Hodie*, in præ-
senti; ut Deus Homo, erit *in Sæcula*, in futuro sem-
per. Sicut ergò JESUS complectitur omnia Tem-
pora, præteritum, *Heri*; præsens, *Hodie*; futurum,
in Sæcula: Sic omnibus Justitiæ titulis debent illi
consecrari, singula omnis Temporis momenta. Et
quia nullum est momentum, quo non accipio à Jesu
beneficium, sic nullum hoc Anno erit momentum,
quo Jesu non rependam obsequium.

II. Cum Jesus ut Deus, sit primogenitus Patris,
ut Homo, primogenitus Matris, ut Deus homo, (a)
Primogenitus omnis creaturæ: Idem quoque erit mei
dum loquar, primogenitus oris, dum diligam, cor-
dis; dum cogitabo mentis. Id igitur fixum est, à
primo die Januarii, usque ad ultimum Decemb. is,

A

mane

(a) *Colos. 1. 15.*

niane ubi evigilavero, primum, vesperi ubi decubueram, novissimum, quod ex ore meo prodibit verbum, erit nomen illius, qui est [a] *primus & novissimus*: qui de se ipso dicit: [b] *Ego ex ore Altissimi prodivi*: hoc est Jesus. Quia igitur Jesus mihi hodie primitias sui sanguinis; ego illi hodie offero primitias mei Temporis. Cui enim æquiori jure debentur primitiæ temporis, quam illi qui fuit omni tempore. Nec tantum omnis temporis, sed in tempore, omni operis illi consecrabo principium, quia ipse α, id est principium; Medium, quia est Mediator; finem quia est ω, id est, finis. [c] *Quoniam ex ipso per ipsum & in ipso sunt omnia*. Ex Jesu enim est omnis potentia, per Jesum est omnis sapientia, in Jesu est omnis bonitas.

III. A Jesu, ad te, opus manuum Jesu, oculo retorque. Jesus fuit, est, erit, Heri, Hodie, in Sæcula. Tu quid fuisti, quid es, quid eris? fuisti in utero, es in auxilio; eris in tumulto. Fuisti sperma fœtidum, es saccus stercorum, eris esca vermium. Fuisti embryo, es homo, eris cadaver. Anno præterito fuisti, hoc præsentis adhuc es, sequenti fors non eris. Fuisse tam nihil est, esse momentaneum est, fore perpetuum est. Ante omne tempus fuisti in abyssu inanitatis, quia nihil: brevi tempore es in abyssu calamitatis, quia mortalis: eris omni tempore in abyssu æternitatis, quia immortalis. Nunc igitur cum D. Bernardo: [d] *Considera unde venis, & erubescere; ubi sis, & ingemisce; quò vadis, & contremisce*. Extendat se igitur

[a] Apoc. 1. 18. [b] Eccl. 24. 8. [c] Rom. 1. 26. [d] in Psal. 4.

nuar. Januar.

Tessera.

3

ad tempus præteritum pudor, ad præsens dolor,
ad futurum timor, cogitando quid fuisti, es, eris.

Esse, fuisse, fore, tria florida sunt sine flore:

Nam simul omne perit, quod fuit, est & erit.

2. DIES JANUARII.

Ecce nova facio omnia. *Apoc. 21. 5.*

Cum Anno novo, partus hominis novi.

Cum novo I. **N**ovus, quem heri fuimus au-
anno omnia spicati, annus, nova omnia
nova faci- exigit in omnibus. Nova o-
enda. pera, nova desideria, novas cogita-
tiones, novos pro salute conatus, novos pro cælo la-
bores, nova pro æternitate studia: nova contra ho-
stes nostros prælia, nunc adhortatur nos Deus, voce
Ezechielis, tub exordium novi anni: [a] *Facite vo-
bis cor novum, & Spiritum novum.* Nunc per totum
orbem latè resonat argentea illa Spiritus Sancti tuba
[sic Paulum appellat D. Chrysostomus] adhortans
ut olim Ephesios, sic omnes ubique terrarum diffu-
sos Catholicos: [b] *Induite novum hominem.* Imò
vult, ut quilibet sit in Christo, [c] *Nova creatura.*
Denique sic debent esse cum hoc novo anno, omnia
nova, ut quisque dicere possit, quod Agnus ille Apo-
calypticus è suo throno [d] *Ecce nova facio omnia.*
Quia omnia quæ priùs faciebam, erant opera veteris

A 2

homi-

(a) *Ezech. 18. 31.* [b] *Eph. 4. 24.* [c] *2. Cor. 5.*
17. (d) *Apoc. 21. 5.*